

四庫全書

集部

欽定四庫全書

集部

懷清堂集卷二

詳校官左中允_臣瑋五珠

助教_臣常循覆勘

總校官進士_臣繆琪

校對官中書_臣戴衢亨

謄錄監生_臣張鴻仁

欽定四庫全書

集部七

懷清堂集目錄

別集類六 國朝

卷一

古今體五十四首

卷二

古今體六十四首

卷三

古今體七十六首

卷四

古今體五十四首

卷五

古今體四十九首

卷六

古今體九十四首

卷七

古今體七十三首

卷八

古今體九十一首

卷九

古今體六十五首

卷十

古今體六十五首

卷十一

古今體九十七首

卷十二

古今體六十首

卷十三

古今體五十八首

卷十四

古今體六十三首

卷十五

古今體六十五首

卷十六

古今體七十四首

卷十七

古今體五十首

卷十八

古今體五十六首

卷十九

古今體一百一首

卷二十

古今體六十首

臣等謹案懷清堂集二十卷

國朝湯右曾撰右曾字西厓仁和人康熙戊辰
進士改庶吉士官至吏部右侍郎兼翰林院
掌院學士浙江詩派自西泠十子之後競以
藻繪相高而氣骨漸弱右曾以清鮮朗潤一
洗其習初從學於王士禛稱入室弟子後以

使事入黔體製一變詩格益進大抵鍛鍊澄
汰而出之以神韻當時士論翕然推之其名
與查慎行相埒而慎行贈詩有蓬萊領袖得
詩仙之句所以傾服於右曾者尤至沈德潛
亦謂浙詩前推竹垞後推西厓兩家之間莫
有能越之者今觀二家之集朱彝尊學問有
餘而才力又足以運掉故能鎔鑄變化惟意
所如右曾才足肩隨而根柢深厚則未免稍

遜齋驅並駕似未易言然亦近人之卓然挺
出者也乾隆四十三年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

懷清堂集卷一

吏部侍郎湯右曾撰

過愚溪

我讀蝨蝨傳居嘗念高危
柳侯亦知道未用譏訶為慷
慨功與名失墜差豪釐

柳詩豈知千仞墜祇為一豪差

文墨本小道況

乃工奕碁羣小既喧阗
國事幾紛披風波一蹉跎
遠逝湘水湄扣舷動哀吟
離騷詠江蘼西山萬古色
冉溪清

漣漪種漆思南國成器詎可期三亭衰草沒故蹟誰復
知茲溪非云愚使君失意時淒淒漱寒石清潭有餘悲
我來愚溪上更詠溪居詩

柳子祠

丹荔遺碑字芳椒酌酒痕清溪自寒色返照入祠門種
木風露晚結茅山水源平生靈爽在夜夜叫哀猿

鈷鋤潭

沿流直過西山西水聲激激風淒淒澄泓徹底不受泥

一堆寒碧浮玻璃
崇臺延檻望秋月
天高氣迴忘卑棲
千年剝蝕潭上字
空聽落日號荒鷄

曉遊朝陽巖

言尋朝陽巖
煙日初弄影
清暉媚幽姿
散步得妙領
連娟浮崑崙
遠目試一騁
俯瞰瀟水流
含漪渺千頃
探竒下幽窟
潛蛟舞浪井
虛徐清風來
蕭灑俗緣屏
林梢法華寺
斷夢淒已冷
清音非絃匏
吟嘯坐日永

漢陽渡

朝趨武昌城暮指漢陽樹風波出沒間一日兩回渡江
邊老人見我熟笑我往來計真誤停辛貯苦不得言破
帽青衫在行路既不能春風細浪沙棠舟玉簫金管坐
兩頭又不能漁舸一葉舞空快踏浪上下隨鳬鷗乘此
兩版船截彼萬里流千丈俯蛟室九淵跨龍湫張風無
帆捩無柁一夫雙槳如烟浮吳兒非解水楚俗寧善泅
波瀾談笑意自得勇若壯士挾兩翰歛忽江心翻白鷺
顛風雪浪高峩峩急雨打面如飛梭牽船幸傍沙岸住

不爾性命隨濤波
嗚呼性命隨濤波
艱難岐路奈爾何

黃鶴樓

金梯玉房不可求
誰跨滄海凌瀛洲
溶溶雲霧江漢上
百尺遠抱空中樓
問樓始何年
千載歲月道
刳火燒不盡
云此仙人留
仙人駕鴻鵠
鳳去黃鶴尚
落清江頭
舒翼繡桷奔
矯首紫霓浮
我來軒窗開
面面恍踏鶴
背汗漫乘風
遊妙絕般與
倏斧斤窮雕
鏤象形會意
儼飛動青田
萬里誰當雋
樓中羽客來
丹丘玉顏百
鍊須髯脩

傳聞風月最佳夜一聲鐵笛橫清秋潛蛟起舞老龍泣
霓旌翠旗今在不西土亦何事來此維輕舟樓前感策
聲樓下江水流孤雲飄落百蠻路仙骨未換仍羈愁

奇蘭鋪

永州西三十里有蘭生松巔叢徑丈許土人云昔有人盜之為雷所擊道旁枯松尚

存

千年屈曲虬龍枝兔絲女蘿縈繞之風霜晚晚不相保
雖有親愛誰得知嶺南寄生叢神木萬點歲蕤攢老榦
漫山麓俗那足道可惜幽人在空谷藝畹從知傍水涯

孤芳一任荒榛曲一朝下上隨天風賢哉大夫如此松
移根千尺摩蒼穹雨露默與神靈通本幹蕃滋枝葉茂
秋花淺碧春芽紅夜半小兒思引手空際驚霆逢鬼守
道傍老樹空輪囷電尾煜煜燒為薪蘭兮蘭兮性守貞
木有本兮水有源藤牽葛附爾何取縱得榮華非本根

飛鸞橋

曉起望驛堠晚飯投山村衡州十日來日苦風雨昏泥
塗蹣蹣不得洗快心娛目誰復論朝來灘聲作雷吼雪

浪遙蓄蒼山根僕夫顧我歎中心增勞煩俄然絕境得
披豁長橋遠跨羅水源橫亘三百尺連延二十門雲中
忽投駕海霓潮上倏露浮天鷗憶昔行人久病涉浮梁
連筏隨波翻萬夫徙石鎮蛟穴千鎚積鐵防鯨吞重添
飛樓臨縹緲更架傑閣聽潺湲我來一步一移目四山
蒼翠手可捫恍如平江風軟舳艫銜尾過下水微見舒
舒旛又如康莊之道接軫數十乘蹶張詎有犢破轅若
施帷幕布瑤席便合歌舞行金尊天寒轉惜水勢減不

及春夏看崩奔好景潛已移過眼那復存後山冥濛霧
雨繁前山嵌崟虎豹蹲憂虞苦多安樂少一身萬里勞
心魂

自江口放船入洞庭

千山萬山斷極浦暮烟蒼然俯平楚浮空雲夢細莫數
洞庭七百年興府日東月西相吞吐環混宇宙自振古
潛蛟老龍蓄雲雨湘妃漢女迭歌舞我來落景巴陵東
萬頃漾作金盆紅塔勢矗矗烟濛濛澗澗恰得生微風

斜挂帆席推庠蓬快哉手招浮丘翁岳陽樓高翠嵌空
君山螺黛盤當中

磨崖碑

青螺蜀棧真危哉西下逝水寧東迴移軍六合卷清霽
中興大業由天開衡山山人謁靈武魚水道合無睽乖
桓桓忠勇李與郭手執枹鼓如霆雷姦凶滿盈神鬼怒
將相和協功名偕金妃木母火當殪封屠家禍誰胚胎
二京收復凱歌入父老泣下長安街煙花紫禁列冠冕

龍車鶴駕青春回艱難秦越共肝膽安樂骨肉相嫌猜
飛龍小兒竊國柄表裏宮掖亂所階長慶樓空夾城閉
玉房朱戶生青苔淒涼西內情尚爾摘瓜況自歌黃臺
漫郎擣辭意深痛涖翁弔古留餘哀春秋史法非頌體
石湖晚出空譏排平生兩眼熟拓本愛此片石江山隈
蓬州垂老嗟遼竄歲久妙墨重摩揩攝衣拾級歷千尺
孤亭下瞰雲濤堆撫時感舊增歎息啼猿落月同徘徊

我行二首

我行亂山間登頓力已勤下踏欲崩石上穿始生雲陰
霾錯昏晝高低亂氤氲一身塗路長何由息勞筋天邊
有斷翼哀嗚呼其羣山外啼清猿淒斷詎可聞官道人
烟絕空見水沄沄頻年困兵戈誰戀榆與枌比者賊雖
滅尚未回官軍

飢腸已雷鳴日暮况風雨遙望蒼山根晚橫煙一縷僕
夫舉示我喜色上眉宇叩門乞酒漿安眠借廊廡相視
但睚眦誰解相噢咻懷哉佳主人逆旅心獨苦窮山多

盜賊深夜走豺虎防身有何術微命賤如土

湘山寺二首

花雨飄寶幢微風韻塔鈴馴鴿上齋鉢老僧閒誦經客
子入門來佛燈晚熒熒被徑蔓蘿葛聞香啓幽扃法界
優曇華三歲始一零

寺有千日蓮
三年一開落

廊深苔蘚古地僻草

木靈緬惟咸通來日月如奔霆頽然金粟老彷彿長眉
青

林喧鳥知曙鐘殷寺初曉踏石穿煙霏屈曲羅翠篠暗

泉尋石罅海眼逗雲表湘流去逶迤青山明鏡繞雲重
巖岫複水遠鳬鷗小平生慕躋攀志與禽向矯香門昨
夜夢一去墮縹緲悵焉解纜行飛鞚尚林杪

桂林使院呈石林編脩

漏永淒風響閣鈴語闌殘燭尚熒熒五湖南下悲身事
百粵西來傍使星枕石本難歌處穩看花不擬醉邊醒
途窮肯問諸侯禮歌舞筵中酒肉腥

時中丞以下皆請
相見謝不住也

話蜀中事

尚餘苦熱在秋林更帶蠻溪水毒淫
三峽波濤似雷吼誰言如綫復如鍼

納涼

薄扇輕羅稱野情筠牀筒簟有餘清
孤懷能到古人少萬感盡從閒處生
倒挽九牛真細事獨扛百斛亦空名
西風取次成追憶鱸膾何由入旅羹

讀陸辛齋先生感事詩

寬大何來見賜租催科日夜下臺符
七言字字堪揮涕

一幅流民鄭俠圖

夜中大風雨得二絕句

巴陵南下歲將徂
駭浪驚風走畏途
今夜聽來孤枕上
恍疑身又落江湖

尚有輪囷醉膽橫
十年心事短歌行
牆根老樹緣何意
也作冰河鐵馬聲

秋月一首寄家兄

自從漢江來
六見月圓缺
徘徊穿房櫳
曲折散林樾
清

輝豈不美可惜照離別攬衣步前除夜久衆星沒惟餘
短墻下露冷草蟲咽念我同懷人踟躕待明發

野步

散步聊乘興斜陽獨自來鳥鳴松逕寂風過竹扉開種
菜先除蝗燒田尚剩灰村童訝客至三兩互驚猜

牛羊下隴坂墟屋上炊烟野店殘陽路山橋落葉邊蒸
壺親候火穿窻細分泉間覺為農樂供家不用錢

跋喬石林編脩使粵集後

使節南溟萬里長乘潮解纜興徜徉玉堂人物風流在
泥酒遊山總不妨

桂管歸來已二年眼中歷歷舊山川傷心灕水關邊路
一度看詩一惘然

讀汪叔寧見詔之作兼懷令弟蛟門比部

幾將摹擬笑當塗陶謝風流今在無只有韋家好兄弟
詩如水淡見工夫

日暮散步登城西樓

積雨始晴霽欣然試出門斷煙生委巷殘照入孤村畦
長新蔬甲池添舊水痕獨遊人迹少一一看鴉翻

雉堞參差外江湖俯仰中危樓坐凭眺秋色敞虛空渺
渺帆檣影蕭蕭蘆荻風翩然幽興在且欲問冥鴻

寓目即成趣荒村小市邊瀾漫分野水擺掇對秋田隔
壟呼牛笛歸人採芡船為農真自樂辛苦得豐年

歸路猶延佇佳時惜易過人投暝色去寒入衿衣多關
閑煙中鴨陂荒雨後荷小詩聊記取有興即高歌

別喬無功

感時無那歲嶒嶸
輾輾征車想去程
冰合河壩狐過迹
雪晴江上雁歸聲
異鄉兄弟依依在
落日郊原莽莽平
尚計為君留十日
酒邊豪氣正縱橫

簡喬雲漸

淮南插脚二年住
歲月過眼如迴飈
蠅蚋入戶螭繞砌
時慰幽獨來朋交
書巢風義我師友
一見便歎高山高
叩門造請敢辭懶
木鐸謬與黃鐘調
君真採擇及葑菲

明信謂可羞溪毛巷南巷北燈火近舍西舍東夢寐遙
酒杯茗椀時到我肯令三日無佳招愛君散髮卧江海
風味頗似斜川陶平生俗事不挂眼朱黃點勘忘昏朝
詩騷苦語肺腑出自煮何啻河魚膏昨遣髯奴致雙鯉
始聞謝病收羣鷁遙知秋堂冰雪冷鳴簷夜雨風蕭騷
要從歡喜生微恙

用山谷語

吾詩聊可供談嘲湖平木脫煙

水濶獨雁叫羣天寂寥魚舫放浪發興極一閒脫手誰
能邀少須健飯續前會三五同踏城西郊天公此福未

杏與待放海月生烟梢

閏六月二十日王方若生日為作長句

王郎生時六月閏到此始經三度逢乘除強弱到六歷
坐覺儀象羅心胸古人推算法則爾為子誇說如奇蹤
君當招客我當賀一飲三百玻璃鍾西風初生梧策策
劇暑未退號莎蜚海東月上聲影絕秋河一道來搖溶
擘衣四顧莫歎息且變愁寂為歡悰明年四十君始滿
赤手往看騎生龍不爾南山北山裏一鋤便作躬耕農

鬢鬢垂髮百歲母二頃亦可謀尸饗況兼兒郎好筆牘
阿侯玉雪看姿容一生辛苦母乃僻那用萬戶爭先封
是時我亦尋舊隱江南的的圍羣峯山兄漁弟足瀟灑
墨場酒地思追從短篷倘肯勤過我待掃花徑呼諸儂
詩成放筆一大笑隣寺忽打煙樓鐘

贈王崑繩

秋風颯颯吹驚沙橫林一抹飛霜花掩關窻戶忽已冷
日看高樓盤棲鴉俄傳有客訪我至姓氏久遺傍人誇

東陽大小吾所羨得一已足慰薰葭悲歌感慨燕趙士
翻與江左爭風華掀髯為我論作者直欲上古窮羲媧
中間雅鄭各判別往往麗則兼淫哇蟬連入耳意不厭
妙語散出紛天葩君來十日未為久造請忙似遊春車
我亦時過話詩律歸路每待微陽斜城北喬生吾好友
主既不惡賓殊嘉花箋小幅日召我道此篤愛無疵瑕
明燈絮語似夢寐酒杯吟卷忘天涯五更燭跋未肯住
直待東海升青霞裁成長句貽贈我龍騰鳳翥相紛拏

憑陵意氣流輩少似子筆力誰能加我詩委靡媿大手
氣懾不振惟咨嗟留題紙尾亦徒爾聊復贈行當馬撾

寄汪舟次檢討

如瘖思語每掉舌如飢說食先流涎鰕生獨坐空館裏
側想遊屐心茫然青鞵布韞性所好欲往追躡無因緣
傾城燈前上元夜坎坎伐鼓歌喧闐待公不來踏筵舞
浮江一舸春風顛光陰蠶市憶故國旅夢常繞東南天
傳聞使者近持節煌煌千騎來聯翩旌旄遙駐御史府

笳吹時到西湖船正逢四月五月後梅雨洗出山娟娟
探幽要使單騎併選勝不惜衣裳褰題名山寺三百六
傍人擬作飛空仙酒酣倒吸波底月筆落遙散風中煙
鳳閣文詞新有樣翰林風月誰當傳歡遊自歎不同賞
空憶倒載迴朱駢秋風初生木葉脫我欲歸掃三椽眠
是時公倘未即去便合一日爭千年

偶成

梅花嬌小杏花慙此段春愁了不堪一蹴輕絃雙燕子

喚回歸夢到江南

酬潘廣文主見貽四首

大雅委荆榛斯人久寥落吾生苦不早心迹長寂寞窮
年抱遺經微尚夙有托誰能導其源浩浩觀海若

海上有君子身老道益尊讀書七十年細大悉討論檀
弓言物始讀學百不存歎息耳食子焉能窺籬藩

忠義在天下皎若行白日卓哉三四公

廣文昔與幾社
陳夏及吾鄉陸

陳諸公游事載史臣筆君今老書生奮袖談一一行成稗官

錄用以補闕逸

我昔遊吳中竊窺一語妙

廣文以事落職
今復為諸生

今茲淮南路

半面接言笑晚將零落意託契到年少張裴彼何人往事重憑弔

題喬子毅小照

白衣青舫得閒身幾曲霓裳一幅巾池上風流今在否相看已是卷中人

劫火銷沈歲月遷不將人事擾天全朱顏綠髮還如昨

彈指過來廿八年

柘水舟中遇大雨

青天蕩蕩忽變色黑雲如山巉巖立一條倒掛日脚明
萬弩齊張雨點急時來自是風雷會幽處如聞鬼神集
吾舟小比蝸牛廬苦怨腸饑衣更濕樂哉頃刻移陰晴
雨過猶帶龍涎腥縱橫亂赴塘下水磊落已見天邊星
蛙鳴池上聲閣閣螢流草際光熒熒谿回漸近人語聞
依約幾點籬燈青

觀俞錦泉家樂

我醉來為藥宮客丹梯直上三十級紅牙檀板才一聲
珠裙美人雁行立平開寶靨玉色勻小曳羅襦香氣襲
誰其主者芙蓉仙紫衫兩部迴春妍雲窻霧閣到今夕
絕藝一一誰爭先白雨催來羯鼓點綠腰撚出琵琶絃
宜春院中搗軋箏雙成座上吹和笙一枝鐵篴水龍吟
三尺玉簫雛鳳鳴忽聞清音起重疊姊妹桃根復桃葉
等閒聽出猶可憐况是蛾眉好腰褊歌扇新開瓊樹花

舞衫舊臂春風蝶不記今宵正三五璧月中天夜已午
哀絲急管爛不收肯捉回鞭踏街鼓巴牋疊幅當報投
更索闌酒飛觥籌狂言一發驚座不欲為越女三年留
贈兩淮巡鹺六首

大海環東萊滄波渺無極明公生其間昂藏萬夫特早
入承明門丹臺動顏色許身良卓犖當官必正直謨謀
見真儒獻替賴羣力翩翩朝陽桐威鳳占五德

古者設諫官上可比宰相君不及堯舜心恥常快快直

前論事時百折氣逾壯公來簪白筆高議殿廷上時清
主既聖直道少疑謗還聞補五絲辛苦意不忘

三代制國用其本在力田後世算錢刀利盡民力賸俗
儒每病此我見不謂然山海天地藏百姓詎敢專但勿
較分銖寬大衆所便今看周孔心未讀管晏篇

緬惟鄭公鄉乃在公井里淵涵富經術千載繼前軌上
之窺皇墳下遂逮子史餘事為詩言雅音被宮徵銀鈎
勤翰墨爛爛光照几豈徒風節殊廷諍傳諫紙

囊無金門粟家有珠履人名流例愛士默默情自親道
義收礪錯詩書浩涯津琰琬韞已輝椒房香可紉乃知
氣類廣更歎品藻真引領仰末風願言揖後塵

二年都城客取友素心最側聞公子賢一見下交益是
時迫嚴冬雪意飄酒外風流甫觴咏馬嘶促行旆怊悵
猶至今歸帆亦吳會通門懷半刺節下整襟帶

海陵官舍送馮大木歸德州限韻

江上昔相見秋風紅蓼時廣陵斗酒別殘雪挂松枝往

苒過三月殷勤贈片辭冷灰離恨劇屬思未嫌遲

千里歸心疾聽君醉後談此宵唯接燭何計可留驂玉
鱗輕飛雪朱盤脆擘柑且留今夕夢猶自遶江南

別袖牽仍絕征鞭挽不停路分殘月白詩待遠山青
口肩雙兔沙頭倒一瓶只應憐寂寞晤語憶寒廳

我數東歸近幽居興未涯雪消看種秫土潤遣移花
雨千絲細江雲百尺斜幾時君一訪烟水認浮家

懷清堂集卷一

欽定四庫全書

懷清堂集卷二

吏部侍郎湯右曾撰

題新城王清遠園居十三首

石帆亭

渺渺雲中帆
茫茫煙際水
何年一片影
吹入戶庭裏
靜聽波濤喧
卧看嵐翠起

樵唱軒

石脈轉嶺背樵歌出林陰詎有曠士懷自然太古音賞
心與之遇杳杳不可尋

半偈閣

古之學道人往往耽禪悅青蓮窮妙相白足講入滅香
清半偈餘便是阿難說

大椿軒

有目抵虓虎其精為青羊八千紀春秋陰此君子堂人
間斤斧聲歲月安得長

雙松書塢

種松傍簷楹偃亞雙榦直抽蕤及春華六月結成實偃
佺古仙人服之好顏色

小華子岡

崇岡俯逶迤寒山幾縈複紅泉碧澗路永與清景逐弄
月下潺湲麻源第三谷

小善卷

何年靈境闢蒼蘚洞門古冉冉封香雲氤氲落花雨我

愛服玉方欲往訪鍾乳

春草池

芳草脩已春茸茸一池碧不知池上水清淺生幾尺良
游愜素襟幽夢寄遙夕

三峯

誰將三芙蓉削出太華頂巖巒穿窈窕冰雪照清迴攬
衣此孤騫瀨氣排空冥

嘯臺

琴瑟終假罷笙竽止諧俗不如激清音發齒粲如玉迴
風結流川高臺寫遺曲

石丈

丈人巖巖姿貞期邈難對風霜識本性娟好謝俗態長
與耽奇人晚節共棲退

竹逕

捎雲出萬竿漏月穿幾个風來憂成韻幽響日相和掃
逕延清陰彈琴夜深坐

綠蘿書屋

靜知世網疎淡與古言會秋堂一散帙點勘丹墨外晝
長寂無人微風動蘿帶

題畫

金爐三尺火微紅寶篆香銷錦帳空皓腕一拋珠鈿落
回身斜倚玉屏風

鬢亂釵橫不上樓夜來孤夢到并州分明認得蕭關路
白草黃沙一片秋

仲秋釋奠

海甸同文日橋門釋奠時牲牢遵舊典肸蠁肅神儀道
統三才合儒宗百世師器猶存俎豆祀已重壇壝律應
清商管齋先上戊期侵階開紫陛列仗擁黃麾韻欲流
金石尊看潔象犧璆懸存虞業瑤篴薦堂基素壁留香
久靈風卷幔遲倭如函丈接炳若日星垂醴酌思遺版
車攻有舊碑槐陰當殿合松蓋拂雲欹仙草依幽砌文
芹漾碧漪清時脩禮樂上相主盤匱調燮勲方大精虔

意不疲丹楹浮翡翠碧瓦護琉璃瑞氣澄清霽祥光接
曙曦淵源繼顏閔名德重皋夔壁水羣賢在蘭臺百籍
披宗風傳絳帳家法守皋比吾道今安仰斯文總在茲
青衿諸弟子聯袂獻聲詩

和寄家兄廣厓

七字詩來洗旅塵荆花齋閣句清新看雲白日憐狂弟
聽雨閑宵憶古人夢裏獨歸江上路病餘最怯酒邊身
何時真了村南約未用山堂更買隣

秋霽出遊白馬湖
蕪到近村雜成十絕句

出郭真成爛漫遊
水村隨處寄悠悠
眼明初見湖邊路
蒼莽風煙一片秋

露涼咽咽草蟲鳴
素練烟消出曉晴
又是碧花紅穗了
一年秋意可憐生

歌斜幾曲入僧蹊
小闢松門不厭低
意在有無思一語
便從花下捉談犀

陂湖遙隔埭西東
蹋水呼來舫子通
小試袷衣寒入早

豆花雨過蓼花風

幾株水柳繞荒莊雙漿傳來與乞漿獨纜虛舟人迹少

鷓鴣兩兩上魚牀

浩蕩馴鷗認得儂平生湖海豁心胸西南一派煙波裏

絕憶當時甫里鐘

湖心舊有甫里寺曉暮聞鐘聲今故址為湖水蕩盡

自擘菰漿剥芡珠芳鮮到處足行厨鱠殘二寸銀絲滑
可抵鱸魚入饌無

沿籬豆老齊舒萼貼水蘋多亂著花也自能紅復能白

一枝笑插帽簷斜

門館蕭森護碧苔誰家亭子淨氛埃斜陽抵死催人去
紅板橋頭首重迴

點點漁燈集網師半規纖月又生時河橋小市歸舟晚
光景流連十絕詩

游焦山

十年夢焦山游志未一副今晨峭帆往快若逢交舊寵
從蔽陰翳曲折見徑竇老僧山澤癯驚喜邂逅似訝

客精虔山靈默相佑初來風點雨少過雲脫岫壓江臺
閣傑年深新締構江聲日夜壯萬馬戰場走聞之已驚
詫微命況相湊八年十回往得非天所宥稍高漸蒙密
更上益深秀林端鼠暗窺葉墮烏早救松風颯然至清
若下寒溜野花亂青紅艷若春氣逗經霜石脊削劈斧
皴不就巖扉想高躅歎息龜鶴壽奇文古鼎篆茫昧失
句讀千年瘞鶴銘點畫不可究江沙埋幾尺漫滅人不
守石竒露光怪如坐卧起仆風水相吐吞上下忽空透

君臣分佐使各各位左右陰厓攀荆榛午鐘聞一扣隱
隱睇林麓菅茅幾間覆絕頂恣遐矚浩然塞宇宙江分
一柱撐水觸兩厓關莫肖張耒詩亘古如龜伏茲山名
浮玉萬金不可購授畀衆富兒一錢不肯授四時變態
殊目未一經覲山僧言其然吾言非嘲詬金山塔勢矗
對張機與穀海門昏不辨天水一浮漚銅坑東卸來北
固始回首廣陵殘鐘沒瓜步高颿收斜陽又西傾朝昏
異狀候霞漲倒景紅萬里堆纈繡波平閒榜人風定憩

川后眺覽凡想滌佳境誰當酬僧厨摘野蔬晚飯始蒸
餠照殿一燈昏負牆古佛瘦平生幽討興常將夜繼晝
禪房竹露零甘液勝飲酎山清入定空不聞夜下漏月
出五更初落落散列宿江平面如鏡靴文微作皺扶桑
翻日車羲和轡馳驟欲上未上時金波幾騰踈圖山好
屏障紅粧遮倩袖驚巢鴉亂翻浴日雉朝雊茲遊溯歷
厯貧兒忻驟富其如鬼揶揄司命不見祐明仍掉頭去
髣髴難刻鏤猶然作詩言文蕪旨亦陋

舟中與惠硯溪阻風

與君昨聯吟，忍凍及遙夜。
氣壓叔迢迢，驅爭東野駕。
生未分二斗，理合避三舍。
送籠身在笥，服阜馱難卸。
戲發楚人些，不學壽陵喈。
風霜正窮沍，天地方叱咤。
眠枕支未穩，詩材巧相借。
開山要鑿空，伐國必乘罽。
我踈衿露肘，子密帶連胯。
贈刀報豈無，獻璧禍早嫁。
勉作三鼓竭，其奈終日喏。
聞聲笑扣缶，咀味想啖蔗。
靡密爭充盤，涓滴俱入筭。
疑有百城擁，不輸一錢價。
枕死魚負蟄，冰觸

人徹瓦撥灰寒沈煙落燼夜添樺薄技更刀奏狂喙落
紙怕涵思壑谷飲獵想雲夢射空然屠門嚼反似梁國
嚇百戰鐵不持一處囚肯赦出膏真自煮擇地那禁瀉
神來琢肝腎皮相說脅髀誇多懶未祭絕筆麟已獲浮
空海氣幻瞥眼電光乍强弩穿已末堅城久難下祭如
既灌餘酒似不驩罷謹當奉秦帝不敢望宋霸子吟慎
母然寸鱗看變化

三月三日同錢幼鯤雨泛湖上

兩峯如髻復如鬟雨後平湖空翠間脩禊難逢有今日
放船正好看青山詩壇鵝鵲全軍斂野局漁樵一席閒
惆悵輕橈容易去不曾洗足到禪關

真州詞二首

估客高桅收江頭浪如屋一笑輕千金來就青樓宿
密意真珠稠雙懸玳瑁鉤迴燈相笑語夜夜住真州

雨

點慢復侵簾更踈漏轉添稍聞涼氣入微怯曉風尖跳

戶蛙先喜翻簷鵲試占人間惆悵意只是晚簾纖

江上感時物偶憶故鄉二首

我昨別家日始見含桃風梅子方生仁薔薇漸抽叢一

度月圓缺花事條已空嬾宜

堂名

堂中坐照眼櫻珠紅登

之白角槃蒙以青絲籠渴羌本知味愛此醖醕融翻從

矮墮底怪許勻圓同金衣佳公子日夕窺簾櫳一飽吾

不許最勝東吳東賜溪幾萬樹謹護如守宮可憐好顏

色樂府青樓中熱思逐彈丸不借漿寒攻但恐梅雨漬

蠹或生蟲

江南夏淺時樂事繁可數悠揚花信風霑灑豆子雨陰
陰桑覆蠹脈脈膏流土吳蠶方上簇綠絲知幾縷蠹眠
豆亦熟農書舊曾譜青蔥偶摘塍輒美初出釜西來

庵名

有禪老分餉日卓午憐我征衫塵舊業荒老圃爐烟卷
清晝坐久茶泛乳賴此宿醒醒口腹非小補我欲歸南
山一項種煙塢採擷充野庖灌漑煩地主惜哉不得往
念此猶起舞

遊夏氏五里亭別業同曹武歌友萊隣湘昆季

五里亭迴得此莊萬鴉歸陣正斜陽清池蘸岸舊痕綠
脩竹滿山新粉香谷口人家常寂寂洞中喬木轉蒼蒼
三千去路愁炎毒願借風軒六月涼

重五雜憶詩三首

閒尋舊夢八年前水閣秦淮小有天風細月華人不到
茜紅裙上倚箏絃

寧兒掌上記初生點滴踈桐夜雨聲角黍筵將湯餅會

恰教兩事一齊行

憶昨江風作意狂
青山山下倚危牆
劇憐萬里歸舟客
不得杯黏午日黃

清流關

清流關前巖月宿
行人早行車輾輓
年年一片青草痕
沒盡南唐戰場鏃

曉行

信馬間行有底忙
詩人風味野人裝
旅程梁宋初飄泊

離思秦吳正渺茫四野欲沈明遠燒五更將絕趁微涼
篋中苦訝衣裳薄壓體如霜九月霜

汴京雜感四首

清渠照出錦帆遲千載烟楊尚作絲一樣傷心莫回首
樊樓春酒最濃時

烽火東門萬事非打毬誰復御場衣只應花鳥無拘管
尚自年年汴水飛

休將羯鼓憶昇平惆悵無人空月明拍按師師筵上曲

馬行燈火夢東京

連理芭蕉玉色芝故宮無復舊堂基憲王歿後風流絕
誰寫哀音樂府詞

延津道中

悠悠疲馬出延津觸暑清羸旅病身正要薄雲成小雨
好教官道壓遊塵
漿思半呷村姬乞路失三叉野老詢
一輛太平車子裏全家安樂是何人

題唐六如吳彩鸞寫唐韻圖

藥珠小謫又經年重疊書完九萬牋却笑仙家新活計
也如人世賣文錢

題周昉妃子出浴圖

薰風殿角得微涼玳押冰簾困日長第一華清好梳掠
晚來纔罷玉池湯

道上蝶

白汗憐方困青陵見似稀已遲春艷艷還逐夢依依弄
影悠揚過分香曉晚歸迎風有紈扇切莫繞羅衣

秋日登吹臺

浩劫曾傳幾兵火此臺百尺猶嵯峨誰其遊者杜高李
四顧封中淮濟河八月九月秋景澈今人古人遺恨多
草黃騏驎爾且病木馬不食行如何

陳昇庵招遊蘇門百泉

五更月墮天西南殘星耿耿配兩三出門風輕馬蹄快
衣上一帶侵山嵐蘇門縣前解鈴馱困思小憩投茅庵
賢侯東海我好友勸我劫劫姑留驂臺符吏牘劇衡石

一笑不問先幽探西門七里林谷繞斜日半嶺烟雲含
涓漣已到百泉上清暉傑閣凭眈眈水妃何年此微步
明珠錯落遺風潭千鬟萬髻作顏色太行倒插綠玉簪
清泠忽聽響琴筑駛激更不容螺蚌吾徒解衣聊快意
健筆往往兼雄談昔者東遊過趵突與此清泚同所耽
水晶盤中瀉冰雪一勺便癭吾猶甘

水性悍急飲之輒
癭居人於十里外

方桃竹園西得微路下者捫壁高乘籃青山久無俗士

駕白石尚有仙人函嘯臺鸞鳳杳何處遺訣或者留彭

聃重遊後會誰與必歸路欲覓觴酒酣環山三帀夢應
熟瞥眼一過心常貪便捷休爭百足蛇纏裏莫作三眠
蠶人生婚嫁有時畢便合夜雨同冥參

來安道中閔蝗詩

我聞政成蝗不災天意潛自冥冥回推原人事理可信
不爾淮徐之民何有哉去年秋田苦蟲螣吁嗟有穀人
得食冬來大雪三尺彊猶勝遺蝗蔽天黑密不能使舉
網齊遮邀熾不能使縱火俱燔燒農夫釋耒各歎息聃

手胼足徒為勞舊傳此物旱之徵澍雨一洗如秋蠅只
今山川不神龍溺職上帝憫爾應遣油雲蒸矧今農功
初良苗甫鬱鬱收穫及西成尚可五六月腹心雖煩憂
物理有哀歇兩年遭旱復遭蝗此是何人任其闕勸農
努力耕爾田清平官府才且賢

上某中丞

帝簡維良佐時清有大賢中丞雙印綰副相綠車聯冀
北祥雲合天南福曜懸陞辭多感激宸眷獨勤拳鎖鑰

蠻荒地開張節鉞權到時梅正發去後月長圓百越遮
靈宅三瀧俯大川林翔五色雀水酌九龍泉掠帽遮藤
葉褰帷繞木綿兒童欣瑞日父老喜佳年善政經綸遠
清操金石堅四知傳介守三畏接真傳瓊樹何由採丹
砂不直錢嚴刑冰案減私稅彫門蠲惠路沾千里仁風
播八埏蒸蒸日上樂陶甄海舶鴻鱗集花村甲
乙編麗樓更點點煙塢鼓闐闐撫字真宜亟瘡痍劇可
憐謹言雙闕奏文誥六條宣飭紀風常肅佳時俗屢漸

豺狼羣破膽梁棟早須肩汲引收廉士疵癥凜屬員時
豐家室聚官好吏民便式訓招陳寔遊談逐魯連珊瑚
寧撒網瑇瑁不開筵山館無停轍橋門絕放船十陳鹽
英論三復二南篇簾啓花間市門開月底塵柔桑經廣
陌瑞麥織新阡蛋戶謳聲徧蠻鄉舞曲妍鈴齋排錦石
戟府卧雕鉞疇入陳琳室來看王儉蓮嚴徐殷仰止帟
屐望周旋黃木灣頭路沈香浦外田韓碑朱篆刻尹誦
綠書鐫令譽傳方外清名到日邊弘猷齊稷契淺學遜

雲淵早歲身辭越頻年客寄燕詩宗匡氏鼎禮述服家
皮落拓囊如葉蕭條業似禪林宗巾累墊東郭履頻穿
孔坐談曾劇陳筵醉欲眠鷺谿裁十幅麟角禿三千把
卷思枚馬燒丹訪偓佺呈材羞碌碌收籠愧戔戔謝府
詩書積程門禮樂全執經稱弟子披霧豁拘攣官舍曩
留屐雲亭待草玄玲瓏開綺饌安穩策花韉殘臘冰霜
後迎春雨露先提攜邀譽久拂拭感恩偏苞鳳程方遠
臺鶯詔特遷雙旌光照耀六纛影踰躔嶺外人歡甚朝

端論翕然鎮南聲最著分陝任尤專
亮采先三事疇咨
答九天臣心方似水元化正乘乾
燮理調湯鼎賡歌入
舜絃惟應桃李列丞相植門前

題水村圖

梅子雨過麥隴黃瓜蔓水流菰葉香
江南夏淺好時節
水村處處分新秧新秧分時蠶上簇
吳蠶結繭瑩如玉
繰絲得穀網得魚船頭醉歌船尾宿
河豚欲上蘆芽生
清江波寫鏡面平吳兒踏浪不踏土
點點帆影浮空明

十家五家矮茅屋門前烏桕樹濃綠林梢雨歇呼鶉鳩
原上耕忙催布穀鰲郎唱鰲何處來青山如畫須當杯
烟中微微見孤寺塘外隱隱聞輕雷長安三年飽塵土
歸夢江鄉劇連弩今年久旱氣鬱蒸白汗翻漿愁卓午
陸生叩門貽此圖挂壁似有清風俱山兄漁弟莫相笑
我亦識字耕田夫

耳疾排悶五首

年踰三十一衰翁百病侵尋急箭攻牛蟻不聞差自在

更休方法想治聾

移持雜卉傍軒楹零落真慚得地生剩有一枝紅芍藥
半開應識主人情

急雨俄驚瀉瓦溝恰從久旱豁煩憂夢中訝許清涼境
蕭颯陂塘五月秋

茆簷苦葢一弓強兩面虛明八扇窻箇是儂家新活計
錦葵石竹膽瓶雙

青綾幾度玉堂眠歸夢江鄉輒惘然第一清詩吟望處

萬株紅藥曲闌前

沈度汪諭德招集丁香花下以耳病不赴書此作

答

從教寶網奏英韶病後音聞半寂寥酒伴只思春社盞
藥畦屢夢故山苗蹉跎勝日看花約慚愧先生折簡招
寄語溫風好將護他時還擬一攀條

憶昨分曹立韻時觴飛猶訝酒行遲座中強半多吳語
江左由來重沈詩豪飲更為今日會繁花重發去年枝

碧山學士何由見

去歲錢越江學士同
飲花下今下世矣

地下尊前兩寄

思

送延津趙令


嶽麓山昏黯黯天短篷風雪洞庭船
澧蘭沅芷思公子

官閣紅爐十二年

太行遙壓廩延城帽影鞭絲我舊經
君去卷簾西閣望
玲瓏削出半天青

送友人南歸

別酒重行簇馬蹄
半年情好惜分攜
春回塞北冰初圻
人到江南柳漸齊
一帶曉光迷鶴市
幾灣淺水繞香溪
美人樓閣花橋路
待我歸尋綵筆題



懷清堂集卷二

欽定四庫全書

集部
懷清堂集卷三

詳校官左中允_臣瑋五珠

助教_臣常循覆勘

總校官進士_臣繆琪

校對官中書_臣戴衢亨

謄錄監生_臣張鴻仁

欽定四庫全書

懷清堂集卷三

吏部侍郎湯右曾撰

寄侍讀喬石林

六年清夢繞江濱
間却蟾龍許國身
豹尾昔陳天上事
漁竿今作水邊人
儒宗經術歸康濟
汗簡文章識雅馴
遙憶東風挑菜節
萬條烟柳射湖春

出城西門

今晨風日佳
曖曖淡初旭
空煙散林端
淺水明城曲
西郊路纔指
幽意紛相逐
始悟塵中人
歲月常局促
沈冥或鑿坯
游賞劇秉燭
吾生迫世紛
誰敢希高躅
聊復謝埃壒
靈境尋信宿

憩蘭若

寒林棲鵲午
鳴鐘步屨閒
行冷梵宮十里
蕭條黃葉路
白楊吹盡墓田風

過八里莊道中作

始出門頭村郊路就平曠秋山忽滿眼翠色上屏障
差白塔影渺渺青蓮相幽討已可期諸峯入吟望

至香山寺

入林聞妙香臨流亂清影松風坐盤石孤意相與永
花宮俯岩嵒雲物入秋冷鳥雀時一喧斜陽下高嶺

登香山絕頂因宿來青軒和合肥相公韻

香山古寺危峯巔飛鞚欲躡無因緣今晨得到翠微頂
傑閣千仞凭風煙四山圍合看歷歷長路放曠窮綿綿

桑乾一綫白窈渺太行萬里青鈎連八陞地脈考圖志
勝槩直欲吞幽燕珠宮紺殿久零落老樹詰屈根株纏
舊傳兩松怒龍攫雷雨失一歸重淵恒河七寶緬經始
中丞故石今誰傳明昌大定全盛日獵火夜照長圍圓
齋厨歲供太倉米土木屢費司農錢祭星臺荒杳何處
空復太乙祠神仙回頭逝水各陳迹風鈴簷鐸猶當年
來青一軒瞰空濶女牆低亞藤蘿懸我來九月霜始殺
萬株柿葉紅霞鮮泉聲淙淙響下界鳥語一一聞諸天

須臾煙暝月出嶺一彎眉嫵窺嬋娟半崑遠火出林杪
中夜清磬鳴山前朝霞公今風雅主勝地往往留詩篇
同遊樂宋兩佳士各以秀句驅爭先清言啜茗足幽賞
底用劇飲飛觥船頻年塵土雜夢寐一夕喜就山房眠
明朝遍踏四百寺雙屐未到心欣然

十八盤

梯級青冥未覺難始知人事異悲歡秋風正愛縈紆路
枉笑羊腸百八盤

水盡頭

探山避輦确踏石畏磳錯定非善遊人濟勝兩芒屨我
聞水源頭迢遞入榛薄居人導我前步步進還卻下如
臨深淵上如梯高閣水細流涓涓沙明石鑿鑿瑣碎隕
繁星高閣張廣幕繡若藻采披剗然斧斤削溪迴路頻
轉淙琤下畧約再過乃得之源深流不涸得非茲山根
元氣有橐籥或者百川水各各通海若昔聞此兩源今
者瀉一壑其下有伏流沸出玉泉脚水清可以鑑泉甘

可以勺小憩登頓疲徐悟游賞樂歸途穿蒙茸草樹紛
枝格櫻桃花萬樹春來想灼灼寒林饒脫葉絕澗有墮
雀濺濺水漸遠仙逕迷采藥回首煙霞姿麤能舉其畧

退谷

斗米食不盡八騶竟何益不如山中人歲歲挂蘿薜侍
郎構茅亭緬想棲遯迹風流去已遠散髮待來客抗懷
各飛沈幽意抱雲石流觴聊復爾更往理輕策

早至碧雲寺

羣山忽開豁煙波出秋曉溥露晞草根朝陽升霞表陰
森槐徑入巖殿駕縹緲入門瀉幽泉紆直闌檻繞廊深
塵漠漠鐘遠聲杳杳詎知困登陟臨憩已木杪晚秋落
桂子敗葉冷荷沼四虛起孤亭碎玉響風篠徘徊冲襟
寫蕭散塵慮少萬籟同官然遺跡絕飛鳥

龍泉庵

盧師千年厓石古大青小青久無主飛來此地穴龍湫
日出青天作雲雨池中金鯽數上聲百餘中有五色非常

魚細看恐此是神物夜半欲去雷風俱

九日大風寒甚不得訪平坡秘魔諸勝

投床倦不聞齋鼓選勝行須待曉鐘夜半風聲撼茅屋
朝來冷氣逼雲峯頻添白袷衣仍薄再上青山興已慵
慚愧老僧為後約可能踏雪到深冬

登楊園小樓二首

颯沓驚颺乍入林倦來還此一登臨青山依舊看如畫
昨夜入山如許深

兩年曾共山翁醉修禊風花滿習池九日今朝太蕭瑟
可知榮悴不同時

乙丑丙寅兩從崑山相公修禊於此

答陳藹公

閨寂懷朋交楚然喜足音況我與夫子投分蘭與金懷
中三歲字字滅不可尋堂上張徽絃離思滿玉琴昨來
到京國有如磁引鍼相訪朝日暉嚶嚶鳴林禽幽人去
何所履迹青苔陰剥啄貽尺書悲商叩中林上言離別
意下感搖落心君才老始用藏器詎不深陵谷閱變遷

孤懷抱奇嶽至言久乃信至寶衆所欽願復忍須臾勿
怨鬢雪侵窮秋門巷冷落葉枝櫛櫛遲君復來過清言

夏璆琳

喬侍讀造一舟名曰雲裝烟駕之舫貽詩索和次

韻四首

書庫琴亭白傅池青蘋微動獨來時只應細漿虛徐去
未用高帆美滿吹騰上乍驚龍化速退飛常笑鷁行遲
晚來波靜川如練呼客清醪與共持

鴨頭初漲綠漪生
節序穠華取次更
畫檝最宜三月出
艷歌從繞百花行
風光谷口遙相失
煙水侯家淡不爭
紅揀櫻桃深處泊
小浮舴艋一漚輕

霜葉萬株屏外直
沙禽一點鏡中開
閒敲烏榜暮雲合
自下碧塘初雪來
夜半踏冰圍虎落
天寒分火上龍堆
何如庫著蓬窻了
興到閒遊興盡迴

烟際輕橈破浪紋
眠鷗宿鷺一羣羣
穿橋微月半規上
濯足清流幾派分
物外高寒成小築
卷中冰雪得斯文

蕙葭不盡懷人意持贈惟應寄嶺雲

王庶一新居落成招諸同年宴集賦贈

巷陌烏衣選勝偏吹笙曲洛有芝廬名都花石春高下
上相堤沙路接連約鳥三千朱郎月闌干十二碧城烟
卿才公望如君少行馬門施未偶然

簾外輕寒冷戟枝霓裳三疊按歌時雲歸巫峽仙娥雨

月艷秦淮樂府詞

時演阮光祿
春燈謎劇

密席幾回低桂燼新聲

連夜簇蠻絲使君舊有銅鞮曲好付紅兒與雪兒

送陳斑與歸崑山

揚州富瑤琨磊落入包貢鬱為瑚璉姿寶氣出鴻洞陳
郎江左來文采迴殊衆圖成青海馬繡出玉窻鳳就我
論詩言妙義寄偕諷上追猗那體屹立架棖棟次寫山
水音清冷發嘲弄西崑亦何者溫李名伯仲一一窮其
源顧我媿區霑幽州迫殘歲行輶千里凍一詠南陔詩
雲外繞歸夢間曹冰雪冷別餞虛臘甕看子江鄉行翩
然躡飛鞚良材盡用地甌石非屢空譬穿楊三葉所發

必命中歸歟隱不腓長路此相送

自黃村歸經草橋五首

按鷹臺北接春郊信馬間行未覺遙尺五城南好光景
到天煙色柳條條

消息陰陽得審觀蒔花未訝看花難此間別有芳菲節
十月中旬進牡丹

右安門外舊池亭別墅參謀堂右丞今日草橋清淺水
還留一縷照衰興

天桃穠杏一時開上巳風光次第來尚有殿春紅芍藥
連塍十里到豐臺

玉溪高唱繼金荃妙語何人解別傳最憶潁亭詞賦手
騎風七尺紫涇仙

題寫生豆莢圖二首

種豆何須種一區藤壑瓜架儘疏蕪江南小筆徐崇嗣
枉寫蜂蟬茄菜圖

恰稱行園抱甕情披圖風嫋一枝橫秋來簾閣踈踈雨

鴨脚籬邊蟋蟀聲

寄喬石林侍讀二首

先生拂袖到滄洲，聞道雙橈日出遊。
種樹幾年知漸大，傍湖一水更宜秋。
娟娟月吐窻中霧，汎汎烟輕海上鷗。
自倚紅亭新筴子，蚤涼天氣換歌頭。

銘鐘勒鼎且由他，六載雙丸似擲梭。
絲竹間情足陶寫，海山回首失風波。
枯槩白黑輸贏慣，故紙興衰感慨何。
我是淮南舊賓客，每憑清夢到巖阿。

九月四日游黑龍潭作

吹夢不到城南垌衣袂忽舉風泠泠不知韁轡落何所
仙宮人寂晝不扃入門老鴉與人語丹粉剝落潛精靈
陰森古栢閱三五碑石缺蝕誰所銘繚垣中有太古穴
下根無地穿窮溟華陽黑水坼坤軸昆明劫火燒元形
移來一片太陰色方池圓甃凝深青羊髯有珠得豈易
象乘咒鉢行當聽頻年畿輔困旱魃祠宮牢醴留餘馨
撞鐘考鼓樹葆羽白日往往聞驚霆只今時和雨暘若

大有況絕秋田螟空潭寂寞九淵蟄我來臨眺凭軒櫺
荒陂幾畝亂鳬鴨敗葦彌望疑洲汀人生適意無小大
疎豁坐愛風中亭國西山翠在眉睫塵勞如醉吹還醒
長安歌舞五侯宅此地誰挈沙頭瓶同游欲散我亦去
卻畧檻外須臾停水荳自媚砌前色寒蝶未退花邊翎
移時啜茗雪乳泛盞杓漫自勞隣丁斜陽欲下理歸策
回首尚帶龍涎腥

寄喬雲漸二首

遠道俄傳有報章斜封玉版認行行兩年幻出明珠翳
半夜潛回若木光喜極屢呼賒酒券人還勸閉讀書堂
一自老去真須惜鏡裏吳絲看鬢霜

何處劉郎技入神照來秋水復雙清光從銀海波中覓
影自金篦刮處生藥物開州張太祝方書陽里鄭康成
思君九月黃花節作意看花分外明

水廊絕句

池枯荷葉井凋桐橙子舒黃柿吐紅水檻自行還自立

作寒一陣撲簾風

和沈南疑移家都下詩次韻

老松十圍埋雪霰神龍咫尺蟠沙泥人生遇合詎可料
四時擾擾空輪蹄嗟哉吳興沈夫子四十尚困鹽與齏
往年同舉京兆試雪粒散落收稗秭衰蘆颯颯咽朔雁
宵夢喔喔思吳鷄君歸卜築五湖曲志士不厭山深棲
重來說經過太學侏儒囊粟愁顏低我聞卷阿詠吉士
朝陽瑞羽鳴葦葦由來難嫁必傾國美人天采爭春英

君才於世合致用未怨赤脚嗟跛奚三塗八難累豈免
何肉往往同周妻君家兒郎三玉雪豐盈已露顏角犀
瑤琨箇簫入包貢吾言左券非無稽秋窻獨樹弄明月
句法一律提昌黎於菟文采萬人敵隻手便拉赤豹麝
洛城數間足瀟灑渭濱千畝無町畦朱絲瑤瑟薦清廟
閭闔傾聽釣天迷坐奏雲門戛韶石詎得玩世歌簡兮

九日登慈仁寺毘盧閣

大海一粟浮神鼇平地湧出無波濤鯨生早哀困筋力

風駕兩腋嵬嵬高危欄望到飛鳥沒細與鷹眼爭秋毫
豁然四虛倚空濶下睇萬木環周遭車馳馬驟漲塵底
始信物外容吾曹蓐收西行欲弭節坐覺歲月流滔滔
霜清日薄作重九來此佛寺持松醪先賢故事試續說
五經逸字誰題餽

晚過妙光閣

披蘚香門入穿雲小閣登松間耿殘照天外刷秋鷹勝
節清游數流年百感增西風重九日吹灑酒三升

送金道州令平山

團團窺青冥漫漫覆后土武功太白去三百鄴杜城南
離尺五手摩日月凌星辰下噓為風潤為雨人生宦迹
風中擇遠者憂虞近者樂往年萬里柳州祠瘴霧漫天
愁插脚歸來騎馬古邠州仍持手版謁督郵邊居蕭條
窮邑冷四年掣雷驚回頭今秋得邑踰崩海意外誰遣
臺符留樂哉新垂畿縣綬馮翊扶風關左右邊沙慘淡
會見無蠻雨沈冥猶記否故人置酒行送君君才磊落

志軼羣豐車肥馬何足云往操鄭刀攜宋斤君不見滹
沱之南恒岳背一縷遙接垂天雲

題敦好堂集後三首

書郎家世盡凌烟更有才名萬口傳年少承恩知第一
每從扈從奏甘泉

卜築名園傍上林承宮連閣對千尋盡羅星宿看文雅
別遣風雲入賦心

淶水亭西脆管哀先生賓閣為重開座中應有邯鄲竺

歎息天人未易才

題徐電發檢討楓江漁父圖二首

愛君雅頌倚那手間向烟波理釣絲一片悠悠暮江色
蓼紅蘋白月黃時

泛泛眠鷗漾浴鳬華翰雖小稱菰蘆卻將秀嶺仙岩意
併作秋江靜釣圖

八月十二夜月下訪俞陳芳病起用呂山溜韻

東隣有佳人機杼響空卷文頭巧圖繡妙手生妍狀朝

來雙蛾顰忍病辭不放雁鴻初起勢風裏斷千丈旁觀
皆歎息謂子衆人望詎識達者心一笑齊得喪古匱澀
苔紋泣露冷花當呂侯千金字宮徵各諧暢譬如假高
衢偈仄見坦蕩君還作才語我已得詩樣詠嘲雜風月
脫畧忘禮讓平生述作意丘壑有微尚孟行再三論興
已寄霞上

明日陳芳以對月枉寄一首見貽依韻奉答

年來飛雨散西東歌舞歡場似夢中才子蚤知眉最白

佳人容易頰銷紅病餘氣尚飛騰在醉後詞猶顧盼雄
領取平秋月三五故穿窈窕入簾櫳

送翁康貽南歸

金明池路杏花叢兄弟歡遊約畧同零雨散時人欲別
故山遮處夢還通百年騷雅晴軒筆六月虛涼水閣風
一樣恩袍爛銀色羨君歸著北堂中

寄懷陸履貞表弟

別來三見歲堂堂良訊封題日幾行薄病定知新健在

雅詩未害遠分將香生藝苑芸為局價出連城玉有坊
不墜風流端賴汝底須飲酌笑諸郎

燭花二首

忽漫花如笑真將愁作籠無情拋玉腕有恨帶金蟲
燄吐熒熒碧光搖薄薄紅相看始遙夜莫怨曉矐矐
作意開何事闌情有隱憂隨風飄別館和雨暗空樓心
肯煎熬滅啼因點滴休剪刀聲最苦淒絕是清秋

送梁藥亭歸南海

圖牒不到羅浮巔中有雲氣相鈎連瑤宮璇房七十二
造幽屐齒無因緣愛君祭屋此中住便作平地飛空仙
烟霞瀟灑入骨相風雨離合來詩篇昨年走馬到京邑
春官名字人爭傳楞伽一本學士院晚入不看前階甃
宣武門西得小築手置花石爭春妍卷簾烟穗上裊裊
倚盃月色流娟娟長安騶呼滿廣陌高車大馬交喧闐
相如謝病杜門卧時與文士窮丹鉛我生於世百無好
默坐兀兀枯僧瓊窮秋落葉記送子古藤老屋風霜穿

燈青火冷共聯句
颼風鯨浪遮南天
五年回首等夢寐
萬事過眼真雲烟
春風一枝同砌植
猥以蓬艾隨芳荃
詩書臭味自夙昔
文字嗜好猶當年
豪吟始知筆有力
痛飲那顧囊無錢
人生蹤跡劇過雨
一尊別酒仍花前
太官未賜百索軸
長路已捉蟠桃鞭
到家五月六月節
四山荔子紅無邊
歸攜詞客陳與屈
美人一曲尋花田
故交隔越霄漢外
欲往遠道愁連千
唯當作書勤報我
更寄仙蝶飛翩翩

東王石谷

岐薛諸王賓友俱右丞名迹貴傾都君從劫火傳家法
願乞山居農作圖

顧伊在侍郎巡撫河南寄贈四首

喜傳尺一日華東道路歌呼遠近同關內流移方在洛
天邊霖雨正思公淇園便下千竿竹少室還棲百尺桐
憂國定須康濟手挽將八節應條風

聞命纔為宿夕留圖書一卷壓輕郵江湖衝雪浮單舸

鼓角驅風笑八駟儒者有人方大用太平無事更何求
冰心一片嵩陽月遙挂青冥萬里秋

廿載談經朶殿開尚留三禮在容臺

主恩特賜旌旄出民困從蘇召杜來得士水南蕪水北
濟時公望復公才穿花豹尾清吟路憶到梁園日幾迴
文章楊葉記三穿才子承家最少年猥以通門隨麈尾
每留小飲到花前浮沈自笑三千牘搖襃虛勞九萬箋
只待公還秉元化中和有頌願雕鐫

題黃硯芝中允黃山采芝圖

夜槌靈鼓游江邊四十七瀨波聒天平生常笑酈道元
黃山勝絕脫不編搜剔異境誰最先夸娥巨靈知孰賢
天都巉巖逼星躔雲海下幕變化嬾我夢欲往塵勞牽
披圖恍惚置我前劃然翠壁千仞懸好山不斷來連連
中有百道丹砂泉異花香草金碧聯枸杞夜吠龍蛇纏
松根茯苓忘歲年春陽濯濯萬色鮮濃綠畫出修眉娟
高原下隰暄且妍行歌樵客花駕肩中間忽置萬頃田

桃花茅屋飄紅烟短轅車子小烏犍鷄豚散出村東偏
門外淺水浮漪漣內有至人談妙玄秀峯往往規巨然
花竹間出家與筌問誰作者形神全王郎妙擅秋豪顛
江夏才子人中仙屬寫此圖暢幽悃永嘉開鑿意所便
天台石梁跨藥淵方瞳綠髮疑僊僊道衣瀟灑迴風褰
奴背古音囊五絃巾箱或貯金簡篇玉堂鈴索厭八輶
愛此寂靜山中眠他年追遊許攀緣采藥便從葛稚川
三月十八日過海棠院花將敗矣用東坡定惠院

東海棠詩韻同山瀏讓水次厚作

閒坊無事疏草木欲飯青精餌黃獨花時日日宜出游
敗意生憎阿戎俗慈仁海棠春似錦鈿車不減馳金谷
我來幾日顛風吹玉雪兩株歌佛屋燕宮遨頭數往事
游騎清歌薰竹肉紅潮乍退粉態勻宿醉殘妝看未足
一株已占春一國窈窕況逢雙女淑幽昏偶桂爾何人
念此真令一捧腹故人相邀共題句詩爭奇葩字瘠竹
林擒木瓜徒浪傳肯令貴耳不信目嬌紅暈紫眼未見

浣花詩老虛留蜀東坡妙語傳瘴鄉如刷伏鸞梳隱鵲
古來尤物知者少豈獨孤芳委榛曲對花歎息花無言
萬感茫茫仍撥觸

夢兒在官感成四首

耿耿燈殘燄沈沈夜向冥似聞風颯沓應識爾精靈
夢昏常亂哀魂感易醒最憐身老大妙士手書銘
嬌小初來日憐渠尚鬪強豈知蟲蠹葉不耐草飛霜
藥遲真悔平生想若狂枕邊猶髣髴還捉舊衣裳

念我淪飄久從知教督疎門良真賴汝年小即知書下
筆能驚座清言數起余硬黃臨故帖墨瀋尚如初

老驥心空壯童烏淚不乾我哀三月劇汝死一門單骨
月分張痛文章付託難失珠驚覺後慟絕撫遺棺

題喬石林侍讀萬里歸舟圖三首

采得鮫珠自百蠻春帆幾幅白雲間清江朝暮畫簾捲
下上數峯如髻鬟

九疑山深猿亂啼南嶽廟前烏欲栖孤城杳靄一聲角

湘水瀲灩浮玻璃

猶記春流倚艣枝六千里外得歸遲此中大有題詩客
夜半庾亭舉火時

題青溪釣隱圖三首

七里灘邊正落暉漁歌遙唱晚天歸戴公山下秋風路
黃葉人家住翠微

好景婆娑日數迴江山幾疊翠屏開烟波盡處暮潮落
恐有片帆天際來

知君摩詰是前身畫裡詩中兩逼真一片江天好吟思
千秋長傍釣臺人

送俞蒼文二首

忽慢攀條悵遠行杏花寒食數歸程分明仍在廬江驛

同聽淋浪夜雨聲

予已未曾留懷
寧傳舍十日

澄江如練謝家詩千載風流入夢思君是後來稱獨步
合應題在小孤祠

贈歌者時郎

雕闌屈曲上花鉤行遍花陰迥自愁聽出一聲新樂府
始知江左最風流

妙絕南朝瓊樹詞空餘宰相寫烏絲秦淮三月花如雪
一曲斷腸誰得知

三年隋苑鬪繁華定子當筵醉臉斜水調莫歌歌最苦
雷塘幾畝野田花

梨花著雨淡生春小閣濃香撥一尊莫向湘南唱紅豆
絃凝管咽欲銷魂

琵琶箏笛等閒空蕭寺房廊夜夜風憶得扇紈零雨別
幾回惆悵蠟銍紅

除夜二首

眼看小歲又嶙峋
疊鼓喧喧動四隣
松燎桃符千里夢
朱衣畫袴五陵人
細思勝事隨年減
默數清游入夜頻
長信新聞

遺詔下更無帖子寫宜春

遲回節物每驚嗟
垂盡真憐赴壑蛇
先飲屠蘇非少日

浪書鬱壘向天涯醉從司命爭阿堵痴憶添丁舞髻了
準備歸鞍到江路小紅剛放一枝花



懷清堂集卷三